

Na osnovu člana 16. stav (2) Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj 7/10), a u vezi sa članom 37. Zakona o zaštiti od nasilja u porodici („Službene novine FBiH“, broj 28/13), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 121. sjednici, održanoj dana 21.08.2013. godine, d o n o s i

## **ODLUKU**

### **o uspostavljanju Koordinacionog tijela za izradu i praćenje provođenja Programa mjera za prevenciju, zaštitu i borbu protiv nasilja u porodici za područje Zeničko-dobojskog kantona**

#### **Član 1.**

##### **(Predmet)**

Ovom odlukom uspostavlja se Koordinaciono tijelo za izradu i praćenje provođenja programa mjera za prevenciju, zaštitu i borbu protiv nasilja u porodici za područje Zeničko-dobojskog kantona (u daljem tekstu: Koordinaciono tijelo).

#### **Član 2.**

##### **(Sastav)**

Koordinaciono tijelo se sastoji od po jednog predstavnika sljedećih institucija:

1. Ministarstvo za rad, socijalnu politiku i izbjeglice,
2. Ministarstvo zdravstva,
3. Ministarstvo za pravosuđe i upravu,
4. Ministarstvo unutrašnjih poslova,
5. Kantonalni zavod za besplatnu pravnu pomoć,
6. Udruženje „Medica“ Zenica
7. Centar za pravnu pomoć ženama Zenica.

#### **Član 3.**

##### **(Zadatak)**

Zadatak Koordinacionog tijela jeste priprema za Vladu prijedlog dvogodišnjeg Programa mjera za prevenciju, zaštitu i borbu protiv nasilja u porodici za područje Kantona (u daljem tekstu: Program mjera), kao i praćenje provođenja Programa mjera.

#### **Član 4.**

##### **(Rad Koordinacionog tijela)**

Koordinaciono tijelo će donijeti Pravilnik o radu. Koordinaciono tijelo će održavati sastanke po potrebi, a najmanje 4 puta godišnje.

#### **Član 5.**

##### **(Izvještavanje)**

Koordinaciono tijelo će putem Ministarstva za rad, socijalnu politiku i izbjeglice podnositi godišnji izvještaj o provedenim aktivnostima na implementaciji Programa mjera.

## Član 6.

### (Imenovanje članova)

Vlada kantona će rješenjem imenovati članove i zamjenike članova Koordinacionog tijela, ispred svake od institucije iz člana II ove odluke.

## Član 7.

### (Stupanje na snagu)

Odluka stupa na snagu danom donošenja, i objavit će se u „Službenim novinama Zeničko-dobojskog kantona“.

Broj: 02-\_\_\_\_\_ /13.

Datum, 21.08.2013. godine

Z e n i c a

**PREMIJER**

*Munib Husejnagić, dipl.ing.maš.*

DOSTAVLJENO:

- 1x Ministarstvo za rad, socijalnu politiku i izbjeglice,
- 1x Ministarstvo zdravstva,
- 1x Ministarstvo za pravosuđe i upravu,
- 1x Ministarstvo unutrašnjih poslova,
- 1x Kantonalni zavod za besplatnu pravnu pomoć,
- 1x Udruženje „Medica“ Zenica, (putem ministarstva),
- 1x Centar za pravnu pomoć ženana Zenica(putem ministarstva),
- 1x "Službene novine Zeničko-dobojskog kantona",
- 1x a/a.